

03

近代中國史料叢刊第四十五輯  
沈雲龍主編

陶勤肅公（模）奏議

陶葆廉校輯  
陸洪喬

文海出版社印行

# 近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、兩牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

國華書局發行

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面


若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



陶 勤 肅 公  
奏 議 遺 藁  
卷 首

夏曆甲子  
陸洪濤書



陶 物 公 道 像



近代中國史料叢刊

第四十五輯

目錄

Wt 205/03

陶勤肅公(模)奏議	陸葆廉輯 陸洪濤校
龍壁山房文集	王拯著
退廬全集	胡思敬著
退廬全集	胡思敬著
退廬全集	胡思敬著
退廬全集	胡思敬著
退廬全集	胡思敬著
退廬全集	胡思敬著
退廬全集	胡思敬著
室名索引	陳乃乾編
最近官紳履歷彙編	敷文社編

詩·文集

箋牘·奏疏

驢背集·審國病書

大盜竊國記·丙午釐訂官制芻議

戊戌履霜錄

國聞備乘

九朝新語

十朝新語外編

鹽乘

...

...

...

...



陶勤庸公奏議遺稿目錄

卷首

賜卹諭旨

御製祭文

御製碑文

兩廣總督廣東巡撫奏請賜卹摺

陝甘總督奏請建祠摺

新疆巡撫奏請建祠摺

秦州紳士議捐建專祠願懇具奏公呈

墓志銘

神道碑

清史館列傳

賜卹諭旨

光緒二十八年十月初三日奉

上諭兩廣總督陶模秉性忠誠清勤練達由庶吉士起家縣令洊歷封圻在陝甘邊境二十餘年撫綏培養吏畏民懷調任兩廣總督辦事實心不辭勞瘁旋因患病疊次賞假調理旋准開缺方冀醫治就痊長資倚任茲聞溘逝軫惜殊深陶模著加恩追贈太子少保銜照總督例賜卹任內一切處分悉與開復應得卹典該衙門查例具奏靈柩回籍時沿途地方官妥爲照料伊子主事陶葆廉著賞給員外郎長孫蔭生

陶善培者實給主專用示篤念謹臣至意欽此

御製祭文

皇帝諭祭原任兩廣總督贈  
書勛策府廿年資柱石之才  
餘齡之承眷忽良牧之告徂  
廣總督贈太子少保陶模克  
天遠出膺夫花縣平居卽以  
迨暮蠶之勞參遂州符之游  
吳隱之廉泉處脂不潤伏宜  
毫釐斗佐祥刑之治懋旬宣

之初開有強鄰之要挾顧脫紛爭之際申戒用剛輪臺罷戍之時永言固圉戢雄心於蔥雪慎誠志於苞桑當河漣逆節之滋萌正秦隴師干之昔總李臬詣壘能安反側之心裴度視師遂有飽騰之樂集兵力以寒賊膽厚餉儲以固軍心邀懋賞於膚功被真除於心簡屬當述職抱疴偶至於滯留旋值迎鑾奉命不遑於暇逸際茲中外危疑之日畀以東南繁富之區爰資靜鎮之功不襲臥治之意厚培元氣宏獎人才文章驅鯨鱓之波廉惠靖魚龍之氣營平爲學通知四夷潞國晚年精練庶務乞身甫允冀延餘蔭於桑榆怛化俄聞未

遂歸思於枌梓遺章入告軫悼良深特晉崇階仍延世賞勳  
於奉職夙夜匪懈之忱肅以正身始終不渝之節易名有典  
制行無慙於戲文武兼資正切倚畀於耆碩忠清沒世遽傷  
凋謝於老成撫銅柱而名留薦雕筵而禮重爾靈不昧尙克  
歆承

陶勤庵公奏議遺稿 卷首 祭文



御製碑文

奉

天承運

皇帝制曰朕惟簡賢作弼爰資節鉞之助考禮酬庸率重鼎  
鐘之報制南邦而盡瘁歷西徼而宣勞用賁絲言式光珉質  
爾原任兩廣總督贈太子少保銜陶模性秉忠誠才優幹濟  
早登芸館遽宰花封二僕偕行始下車於銀峪一錢不取旋  
移篆於金城卓行丕彰上州遂領邦戎故地崔衍但撫流亡  
蒲類古都韓泥惟持儉約逮夫靈州被澤賀蘭留紀德之碑

郡護旌能正茨奉增銜之詔惟監司職專廉察地重臨洮矧  
畿輔政屬殷繁秩隆陳臬洎秦藩之簡授更晉秩之優加許  
衣錦以歸鄉增光烈兆俾建旄而開府用撫伊州乃當強鄰  
窺伺之年又際莠匪肆行之日帕米爾界連葱嶺拔漢幟以  
紛來撒拉回勢逼蘭山處胡盧而競恐惟爾籌邊畧富坐鎮  
風高趙充國通知四夷馳陳方略張子房決勝千里驂固軍  
心方面助多高牙命總歷雪地冰天之苦旌旆千屯極馬騰  
士飽之歡芻糗夾道保河湟四郡克用簡以殲渠勳吐哈兩  
藩俾同仇而固圉顧茲大局資爾老謀旣而力疾迎鑾銜恩

度嶺石永以廉率屬州郡風清吳琛惟德化人孺童兩泣務  
全國體力籌外海之泉刀不竭民膏仍貸鄰封之金粟翳措  
施之允協竟疾疢之纏綿方期予假安居頽齡或駐詎料沉  
疴不起良佐云徂遺疏上聞悼懷中摯歸贈重兼金之錫分  
榮參亞保之班既賜奠以節終復易名以褒美奉命馳驅之  
節宣力爲勳持躬圭璧之華佐恭以肅於戲松楸勿翦精魂  
歸越水吳山婦孺咸知遺澤徧羊城象郡文鐫豐碣色煥幽  
臺貽爾後昆欽茲休命

陶勤廟公奏議遺稿 卷首 碑文

五

兩廣總督德壽廣東巡撫李興銳奏請 賜卹摺

奏爲開缺督臣因病身故謹代遞遺摺並隨陳事蹟懇

恩優卹恭摺仰祈

聖鑒事竊前任兩廣總督臣陶模因病勢不支屢次陳請荷

蒙

聖恩准其開缺七月二十五二十六兩日咯血數甌並吐出  
肺葉一片八月二十八日交卸督篆之後未能起程還籍暫  
寓南關外行館調養至九月初七八等日嘔血大作飲食不  
進茲據該前督家屬稟報陶模於九月初九日子時身故並

將遺摺呈遞業經<sup>臣</sup>等電請軍機處代

奏在案伏查陶模由庶吉士改官縣令洊列監司迭蒙

特簡歷膺疆寄該故督秉性忠誠制行堅卓久在

聖明洞鑒之中中外<sup>臣</sup>僚亦夙相推服<sup>臣</sup>等曾與共事知之

較深不敢不撮其生平事蹟據實

上聞陶模初官甘肅牧令其時回亂尙未大定軍務方殷諸  
事草創一切興作以及徵調供億皆苦心籌畫不煩民力他  
如皋蘭之清丈秦州之賑飢尤爲實惠及民百姓至今感之  
一生事業實基於此官新疆巡撫行省初設強鄰密邇措置

極難回部坎巨提酋長爲英人所逐勢將佔踞當時議者皆主用兵陶模以屬地固不可坐失又不宜輕啓兵端獨持定見力排衆議經營年餘卒能另立部長安置妥貼英人遂無異言帕米爾在新疆西南地勢綿長英俄兩國垂涎已久英人主使阿富汗進窺蘇滿俄亦增兵向色勒庫爾守邊將帥咸有拚與決裂之勢陶模審慎持重相機因應始得晏然無事蓋西邊屬地介在兩大國之間爲乘機取勢者所必爭稍有不慎動起巨釁惟陶模洞悉邊情處之最合乙未河湟之亂奉命署理陝甘總督入關之際甘涼安肅等處防營早經

東調地面空虛西竄悍回由祁連山間道出擾驛路攻破水  
泉子等堡甘州提標兵敗潰民情大震陶模所部祇有八  
營旂與地方文武力籌守隘之策使回匪無可窺伺河西四  
郡得以保全並預籌軍械糧餉源源接濟魏光燾董福祥諸  
軍賴此不乏迨官軍雲集西竄河州賊勢窮蹙悍黨十餘萬  
由青海出擾安西州陶模預知其必出此途調所部新軍焦  
大聚等邀擊之安西州南山中賊大敗挫首逆奔竄無路遂  
入陽關迤西荒積無可擄掠卒以就擒黨衆多餓斃山間關  
內外同告肅清遂奉徵兵籌餉不遺餘力之



褒旨補授陝甘總督綜計陶模在陝甘邊境二十餘年和解回漢聯合外交專以培養撫輯爲事在西湘軍大率左宗棠劉錦棠舊部皆能受其駕馭樂爲之用其才智實有大過人者光緒二十六年陶模交卸在陝奉調任兩廣總督之

旨該前督因在西陲日久感患喘疾已深自以時局方艱受恩深重不敢固辭力疾來粵時值和議未就惠州匪亂初平人心尙未大定粵素多盜近則會匪處處勾結陶模手定河鄉章程實行緝捕之法是以興甯匪亂起勢甚爲猖獗而一月之間卽就平定欽廉匪徒徧地皆是陶模與德壽會商

力任明幹大員假以事權卒使匪首先後就誅餘黨分別剿撫良民得以安業肇羅所屬新興陽春東安一帶山深地險向爲匪徒巢窟陶模嚴劾緝捕廢弛各員并遣員督營緝辦兩月之間殲獲要匪二百餘人地方以靖此皆成效卓著之事也等共見共聞者也海外閩粵各商旅居日久與內地官長情意不通自會黨竄跡創立名目結會斂財受其愚惑者不下數萬人勢將釀成大患陶模派員赴南洋一帶並札新加坡領事切實勸導曉以大義詞意懇切各埠商民爲之感泣於是閩商舉人邱煒萱首輸報效請除黨名經湖廣總督

臣張之洞奏蒙

獎敘各會因而漫散其遇事能見遠大消患未萌大率類此陶模以時艱正急首重人材於一切新政尤注意於教育大學堂武備學堂均先後辦有頭緒雖病在垂危尤復手裁函牘商訂規畫至其生平學行一以宋儒爲宗而又通達時務無拘墟腐舊之見自奉儉約清德爲一時所稱於公家款項尤不肯稍有糜費律已甚嚴而待人則寬恕嫉惡甚峻而愛才若饑渴臣德壽共事兩年艱難周濟臣興銳昔與同官畿輔亦深佩其廉勤此次該督雖因病去官方冀其調治就痊

猶可備

朝廷他日任使不謂交卸僅十九日竟以積勞盡瘁齋志以終士庶官紳同聲慟惜臣等檢閱其奏疏遺稿忠言議論洞達體要忠愛之忱深遠之識實有古名臣遺風尤不能不爲國家惜此人也合無仰懇

天恩俯准從優賜卹並將該前督事蹟

宣付國史館立傳以彰忠蓋所有開缺督臣病故日期並代遞遺摺緣由謹合詞恭摺具陳伏乞

皇太后

皇上聖鑒再陶模長子附生葆瑩早故次子分部主事葆廉  
三子附生葆霖長孫二品廕生善培次孫善堅善均善膺台  
併陳明謹奏

光緒二十八年九月日

陶勤齋公奏議遺稿

卷首 讀邸禮

十

陝甘總督崧蕃奏請建祠摺

奏爲已故疆臣功德在民據情籲懇

天恩准建專祠以順輿情而降報應恭摺仰祈

聖鑒事竊據甘肅布政使何福堃按察使黃雲詳稱調任兩廣總督原任陝甘督陶模在廣州行館病故已蒙

恩優卹予諡在案茲據在籍翰林院編修吳鈞紳士蘇純武羅經權等以該督功德在民臚列事蹟請建專祠呈司轉詳查陶模浙江秀水縣人同治初年以庶常改官甘肅文縣爲故大學士左宗棠所器重調任皋蘭縣通省首區夙號繁

劇舉凡溝積牘均田賦尹義舉一年之中百廢俱舉升任秦州時州南有薪水挾呂二溝水趨城下湍悍迅激齧及城隍負郭田廬半遭淹沒捐築長隄兩道各三百餘丈障之東流水患頓息人呼爲陶公隄此外救秦隴旱災籌恤發經費皆捐廉爲之不以累民權守甘州所至撫恤瘡痍周歷村堡虛僕從多則擾民輒屏肩輿策馬獨往士民見者皆感泣調牧迪化適值大亂後城邑邱墟田野荒蕪招流亡給牛種殷勤勸導教養兼施聞而復業者如歸市自是遷寄夏府署蘭州道權甘肅按察使勤政愛民一如爲牧令時光緒乙未循化



撤回肇亂海城河狄西甯各屬莠回先後響應軍書旁午徵  
調紛如是時陶模撫新疆已五年矣新疆三面與英俄接壤  
天山南北回族尤多帕米爾坎巨提事甫竣而甘回亂起新  
疆岌岌不安陶模處以鎮靜外睦強鄰內消反側所節軍械  
協濟關內諸軍且慮湟中羣賊擾竄河西四郡急調新軍四  
營旂入關分紮山丹等處助甘肅防守四郡得保全無恙未  
幾署陝甘督篆復調馬步八營旂親率以行甫抵甘州卽檄  
所部各軍由扁都口進規北大通營城連戰拔之並克堅堡  
十數處別遣兵邀擊賊酋劉四伏等於安西州南山殺賊過